

三怡堂叢書

孟有涯集

十七

三
拾
叢
書

卷
一

孟有涯集卷之十

三怡堂叢書

信陽孟洋著

七言律詩八十首

晴

輝輝林日動新晴
客子歸心引去旌
秦山西出霞霓迥
渭水東來烟霧輕
雙雙寒鷺過閑浦
裊裊秋鶯囀廢城
漢唐宮闕垂楊裏
回首斜陽萬古情

華嶽

金精白帝開天府
翠掌丹梯見華峰
別有懸崖浮日月
分明絕頂畫芙蓉
千年洞壑清泉注
萬里雲霄瑞氣重
會欲

還丹鍊金骨不知何處覓仙蹤

襄陵省中池亭甚佳因懷張李二明府

日暮襄陵池上亭孤吟長坐嘆飄零
荷花無主誰爲色竹葉憐人獨自青
暝逼高林回倦鳥風生曲檻度流螢
季鷹元禮俱何在好對青霄倒玉瓶

道井陘有感

東歸石逕入雲斜險阻千年事可嗟
松柏森森韓信廟山河渺渺沛公家
王齊實召遊雲夢爲漢虛勞問左車
惆悵英雄心事在烏啼秋樹墮巖花

淮陰侯祠

殿宇深開古樹林
祠門高匾漢淮陰
涼風入幕吹遺像
白日臨簷照壯心
澗水千秋何所恨
鳴蟬六月有餘音
扁舟卻羨鴟夷子
萬里烟波不可尋

同黃都憲孟鎮守侯總戎遊紅石峽

一水遙從胡地來
峻嶒雙壁倚雲開
清流細細松林合
古洞陰陰石岼迴
弩騎高秋翻鳥雀
綺羅斜日映莓苔
醉遊幸與羣公後
塞北江南莫浪猜

同前諸公遊龍泉祠

山下清泉靜不流
城邊光景漫相留
池亭映日晴波動
草徑含風暑氣收
碧樹高雲聊騁望
玉簫金管暫忘憂
須知

地王能憐客曲水輕觴入暮浮

和楊遂菴入關

倦遊遙拈舊鄉還再起徵書入漢關
旌節未過靈武鎮風聲先振賀蘭山
城中守將虛愁思塞上征夫盡喜顏
韓范千年應並駕雲霄萬里更誰攀

過關

絕壁洪濤勢欲摧每逢迂徑更周迴
獨夫荷戟當千敵六國連兵未一開
唐王不妨安祿變秦師元喜沛公來
乾坤萬古河山險運祚紛移獨可猜

中秋示王子遷大

中秋駐馬山中驛節序那禁客裏逢萬里氤氲浮皓月十
林搖落獨青松催愁別院砧聲急取醉誰家酒味濃良夜
一年惟有此又教寂寞對高峰

送李給事使占城

紫殿爐烟拂素衣搖搖仙佩出金扉旌麾日閃龍蛇伏瘴
霧春開島嶼微華國威儀憐彩鳳驚人詞翰重明璣朝廷
褒職還須補海上浮槎早見歸

挽溪雲翁

溪上雲搏處士廬野人長傍問幽居少年遊樂江湖外晚
歲投閑松菊餘山鳥自啼存戶宇澗泉猶遶廢琴書生平

孟有洲集卷十
三
自有過人處身後猶來長者車

送馬公順湖廣提學

風雪燕山雲不開別離愁傷黃金臺萬里舟航渺何去百
尺湘江清且迴黃鶴仙人終日待武陵桃樹爲君栽行將
遊歷獻天子不愧相如作賦才

挽蜀中王侍御乃翁

白石清泉老歲華新詩濁酒足生涯高秋鶴去雲無色永
夜猿啼月漫斜寂寥柴門五株柳蕭條藥圃一闌花可憐
題柱青霄客蜀道空回駟馬車

送王仲深致仕還江南

孤雲江上鴈高飛客子乘舟何處歸茅屋新開荒菊徑
門正對釣魚磯村中蔬酒閑秋月戶外鶯花澹夕暉白鶴
自能隨竹杖紅塵不解入荷衣

待漏

玉漏遙傳高閣盡金門欲啟五更遲街頭月色映霜白城
上河光帶露垂聖世衣冠慚旅進浮生勲業動深悲風烟
又覺三秋暮鴻鴈空馳萬里思

送邊荊州廷實賦得一柱觀

松滋縣東一柱觀君達荊州春正深風落澄湖翻夕照雲
移別嶂入晴林花間日見江猿過竹裡時聞湘鳥音千古

洞庭存勝槩卽憐詞客更登臨

送方隱君還棠陵

天上舟航何所之棠陵野老故園思
雨餘負郭看田畝日落依山見墓祠
長路經春鷗泛泛清江入夏草離離
稚子迎歸棹翠竹穠花待舉卮

答何仲默見寄

人世百年常異處帝鄉爲別動三年
頻頻入夢見顏色日祛愁多醉眠修
竹穠花田舍裏亂山流水寺門前
幽居不省何時訪好句虛勞萬里傳

九月二十四日夜張侍御宅見菊

重陽已過十日餘誰家宅裏菊開初青燈照夜移花入素
壁含秋散影踈隔歲再逢猶作客一尊相對獨愁予不辭
深坐驚霜早擬待懸櫳過月虛

送任草亭分教新城

紫塞霜天鴻鴈回野亭秋日菊花開琴書一束故人去車
馬倏然踈雨催白首且傾燕市酒黃金休上郭生臺百年
桃李陰陰地萬里烟花細細栽

九日無菊

常年但得重陽至滿目黃花共舉杯細雨濕籬全未負西
風吹葉故相催此時苦憶何由見他日雖多不用開佳節

久扳能發興蕭條何意更登臺

送人還山東

臥病京華清夏臨兵戈滿地正傷心故人此別愁何似舊
國東歸喜獨深沂水風烟長浩浩燕臺雲日漫陰陰河亭
入暮孤舟遠回首空城動越吟

醉歸

每愁白髮催年暮更苦青春縱飲違對客淹留銷燭盡出
門酩酊帶星歸晴初絕塞冰霜合寒極高城鼓角微傳語
故人休共棄明朝驅馬叩重扉

別關中雷生

少年名重洛陽才
天馬西從渥水來
喜極乍逢韓子宅
愁多復下郭生臺
華峰玉女盈盈見
金水青蓮冉冉開
夜月此時蟲更切
春風何日鴈重回

別蘇天秀

蘇公作宦出羣才
遠謫新從蜀道來
盤錯幾年真慣歷
圖書萬卷舊曾開
秋風使節催行棹
落日離亭罷舉杯
獨有壯心霄漢上
時時回首鳳城隈

聞河南寇二首

賊兵十月渡黃河
河上諸城破已多
金鼓風悲塵滿目
川原日慘血生波
儒臣武將俱誰在
洛水嵩山奈爾何
回首

中原全盛地百年今日見干戈

大梁南去憐吾土盜賊遙傳動我情
殺吏已聞過上蔡屠城近報入西平
旌旗數望邊軍至疲病兼憂內寇生
腸斷鄉關兄妹在不知何日可休兵

人日

人日又從今日得酒杯不似舊時開
生涯潦倒逢人笑節序蕭條傍客催
冰雪春寒餘礪谷笙歌風暖自樓臺
暮看天北浮雲暗愁聽城西畫角哀

過海印寺

俯湖臺殿何年起遶寺烟波望不窮
樹裏逶迤銀漢接

前宛轉玉河通長橋晚落千尋影高閣晴含萬里風滄海
漫求人世外蓬萊今在帝城中

慶壽寺齋居夜陪喬劉何三舍人

齋居笑接鳳池吟春寺風烟故故侵鐘鼓上方催暮景松
篁滿地散清陰中原渺渺孤裘客北斗依依萬里心但擬
聞雞朝玉闕還期並馬出珠林

送韓汝節左遷平陽別駕

憐君謫宦向平陽汾水襄陵隔太行日暮烟塵關樹迴春
風鴻鴈塞天長時違去國重回首世難逢人幾斷腸後會
不知何處所清宵聊盡此壺觴

和何子移居

長安大道禁城隈
何子移居庭戶開
花柳春天臨上苑
雲霞朝日近蓬萊
子雲宅裏書常滿
元禮門前客競來
栖息卽欣違咫尺
頻煩莫厭日追陪

春鴈

卽憐鴻鴈不相違
每到青春見爾歸
獨夜高鳴乘吹遠
九霄聯影入雲微
上林羽獵終多事
北海風烟自可依
矰繳虞羅滿天下
此身那得共翻飛

田給事宅對雨

日落炎城暮雨來
苑中烟色靜樓臺
青冥接地驚雷入
昏

黑侵簷掣電迴卽喜榴花明玉檻不妨竹葉滿金罍天涯
風物虛相負華鬢蒼顏日見摧

挽李封君夫婦

百年徒有敬姜思蜀內空傳太白詩裊裊溪雲虛戶牖蕭
蕭江月動機絲鳳毛迴出青霄上龍詔遙從白玉墀錦水
巫山萬餘里長安吟望不勝悲

耐君卿夏日山居見示

聞君近有山居興長夏傳詩慰寂寥精舍雅宜修竹裏紅
塵悵望白雲遙風前卷幔時通燕雨後開渠自灌苗卜築
真慙陶令宅歸來車馬尙喧囂